

十二頭陀經

長壽王經

樹提伽經

法常住經

二百二

行十

48788



元祿九年丙子二月日重修

皇圖永固 帝階永固

佛日增輝 懺輪常轉

山城州天安寺法金剛院置

增輝

四經合卷

十二頭陀經

樹提伽經

長壽王經

法常住經

十二頭陀經

一各沙門頭陀

劉宋天竺三藏求那跋陀羅譯

如是我聞一時佛在舍衛國給孤獨園精舍

與八千比丘僧菩薩萬人皆著衣持鉢遊行

乞食食已至阿蘭若處加趺而坐

尔時世尊怡然微笑時長老摩訶迦葉從座

起整衣服長跪合掌而白佛言世尊我從昔



來未曾見佛無緣而笑願見哀愍告示我等  
佛告迦葉我見阿蘭若處十方諸佛皆讚歎  
無量功德皆由此生求聲聞者得聲聞乘求  
緣覺者得緣覺乘求大乘者速得無上正真  
之道我今住此是故喜耳今時摩訶迦葉聞  
佛所說歡欣踴躍歎未曾有重白佛言世尊  
此阿蘭若處利益弘深能令衆生依此修學  
成三乘道惟願世尊開示我等阿蘭若法  
佛告迦葉諦聽諦聽善思念之我當為汝略  
說其義迦葉白佛言世尊唯然受教佛告迦  
葉阿蘭若比丘遠離二著安心清淨行頭陀  
法行此法者有十二事一者在阿蘭若處二

常行乞食三次第乞食四者受一食法五者  
節量食六者中後不得飲漿七者著弊納衣  
八者但三衣九者塚間住十者樹下止十一  
者露地坐十二者但坐不卧

一者阿蘭若比丘行頭陀時應作是念我今  
在此空閑之處為無上道捨身命財修三堅  
法死當如獸死不生顧戀若至病苦須人之  
時當作是念我今一身為法出家法為我伴  
若勤行法者即是救護是為阿蘭若法行者  
本以居家多惱捨父母妻子出家行道而師  
徒同學還生結著心復多矯亂是故受阿蘭  
若法令身遠離憒鬧住於空閑遠離者離衆

聞聲若放牧處最近三里能益遠善若得身  
遠難已亦當令心遠難五欲五蓋阿蘭若比  
丘法當如是

二者欲入聚落乞食之時當制六根令不著  
色聲香味觸法又不分別男女等相得與不  
得其心平等若好若惡不生增減不得食時

行十

應作是念釋迦如來捨轉輪王位出家成道

二

入里乞食猶有不得況我無福薄德之人而  
有得耶是為乞食法行者若受請食若衆僧  
食起諸漏因緣所以者何受請食者若得食  
便作是念我是福德好人故得若不得食則  
嫌恨請者彼無所別識不應請者請應請者

不請或自鄙薄懊惱自責而生憂苦是貪憂  
法則能遮道僧食者入衆中當隨衆法斷事  
損人料理僧事處分作使心則散亂妨廢行  
道有如是等惱亂事故應受常乞食法  
三者頭陀比丘不著於味不輕衆生等心憐  
愍不擇貧富故受常次第乞食法四者應作  
是念我今求一食尚多有所妨何況小食中  
食後食若不自損則失半日之功不能一心  
行道為佛法故為行道故不為身命如養馬  
養豬法是故斷數數食應受一食法  
五者得一食時應作是念我今若見渴乏衆  
生以一分施之我為施主彼為受者施已作

是願言令一切衆生與覆救之莫墮慳貪持  
食至空靜處減一搏食著淨石上施諸禽獸  
亦如上願若欲食時當數尼師壇淨手作是  
念言身中有八萬戶蟲蟲得此食皆悉安隱  
我今以食施此諸蟲後得道時當以法施汝  
是為不捨衆生若不見困乏者但食三分之  
行十二以自支身命所以者何行者若貪心極  
令腹脹氣塞妨廢行道若留一分則身輕安  
隱易消無患於身無損則行道無廢是故應  
受節量食法

六者節量食後過中飲漿則心生樂著求種種  
種漿果漿蜜漿等求欲無厭不能一心修習



善法如馬不著勤左右噉草不肯進路若著  
響動則噉草意斷隨人意去是故受中後不  
飲漿法

七者應入聚落中拾故塵棄物浣之令淨作  
弊納衣覆除寒露有好衣因緣則四方追求  
墮邪命中若得人好衣則生親著若不親著  
檀越則恨若僧中得衣如上說僧中之過有  
好衣是未得道者生貪著處好衣因緣招致  
賊難或至奪命有如是等患故應受弊納衣  
八者應少欲知足衣取蓋秋不多不少白衣  
為好故畜種種衣或有外道若行裸形無恥  
是故佛弟子應捨二邊處中道受但三衣法

九者若佛在世若滅度後應修二法所謂止  
觀無常空觀是佛法初門能令厭離三界家  
間常有悲啼哭聲死屍狼籍眼見無常又火  
燒鳥獸所食不久滅盡因是屍觀一切法中  
易得無常想又塚間住若見死屍臭爛不淨  
易得九想觀是離欲初門是故應受塚間住  
法行十十者行人已作不淨無常等觀得道四事辦  
若未得道者心則大厭是故應捨至樹下思  
惟求道又如佛生時成道轉法輪般涅槃時  
皆在樹下行者隨諸佛法常處樹下有如是  
等因緣故應受樹下坐法  
十一者在樹下住如半舍無異蔭覆涼樂又

生愛暑我所住者好彼樹下不好如是等生  
漏故至露地住作是思惟樹下有種種過一  
者雨漏濕冷二者鳥屎汗身毒蟲所住有如  
是等過空地則無此患露地者暑脫衣裳隨  
意快樂月光遍照令心明利易入空定是故  
應受露地坐法

十二者身四威儀中坐為第一食易消化氣  
息調和求道者大事未辦諸煩惱賊常伺其  
便不宜安卧若行若立心動難攝亦不可久  
是故應受常坐法若欲睡時背不著席是為  
十七頭陀之法

佛告比丘汝等今者繫心一處無令散亂禪

定功德從是得生一切凡夫以顛倒故計有  
我心衆生壽命隨逐假名起諸妄見從本以  
來五陰清淨空無我所不生不滅不出不在  
非凡夫非凡夫非聖人非不聖人離諸名  
數言語道絕諸佛不能行不能到汝等今者  
宜各靜緣諦觀身相

時諸比丘聞佛所說心生歡欣即觀此身皮

行十

五

膚血肉膿爛穢惡筋骨脉髓肪膏腦膜目淚  
淚唾肝膽脾腎心肺痰癢生熟二藏小腸大  
腸大小便利髮毛爪齒胞胎垢汗等三十六  
物孔孔不淨從外至內從內至外推求我相  
了不可得精勤不已遂見其心念念生滅如

水流燈焰生無所從來滅無所至願在不住  
知此五陰從本以來空無所有滅除諸相證  
如實智成阿羅漢諸菩薩等思惟法已得無  
生忍滿足十地

佛告諸大衆誰能於後像法之中護持此經  
廣宜流布使求佛道者識其要妙

時天帝釋與龍神八部聞佛宜告從空而下  
稽首佛足而白佛言世尊若像法之中有三  
乘人在空閑處求佛道者我等為作衛護不  
令諸惡鬼神得擾亂之文殊師利法王子白  
佛言世尊我當承佛威神於未來世護持此  
經使不斷絕有修學者為作開導尔時阿難

前白佛言世尊當何名此經云何奉持佛告  
阿難此經名為頭陀苦行亦名離暑集諸善  
本汝當奉持爾時天龍八部一切大衆聞佛  
所說歡喜奉行  
佛說十二頭陀經

佛說樹提伽經

行十

劉宋三藏末那跋陀羅譯

六

佛言有一長者名為樹提伽。倉庫盈溢。金銀具足。奴婢成行。無所乏少。有一白氎。手中掛著池邊。遇天風起。吹王殿前。王即大會群臣。坐共參論。羅列卜問。怪其所以。諸臣皆言。國欲將興。天賜白氎。唯樹提伽默然不言。王語

樹提伽諸臣皆喜卿以無言樹提伽答言不  
敢欺王是臣之家飾涕之中掛著池邊遇天  
風起吹王殿前以是之故默然不言却後數  
日有九色之華大如車輪遇天風起吹王殿  
前王不會群臣坐共參論羅列卜問恠其所  
以諸臣皆言國欲將與天賜金華樹提伽默  
然不言王語樹提伽諸臣皆喜卿亦無言提  
伽答言不敢欺王是臣之家後園之中萎落  
之華遇天風起吹王殿前以是之故默然不  
言王語樹提伽卿家乃爾命卿約勅家中廣  
作調度朕須還歸將領二十萬衆到卿家看  
了提伽答言願王共臣相隨臣家自然床褥不



須人敷自然飲食不須人作自然擊來不須  
呼喚自然擊去不須反顧王將領二十萬衆  
到樹提伽南門直入閣中有一童子顏容端  
正肉色豐悅甚復可愛王語樹提伽是卿家  
兒郎以不答言臣不敢欺王是臣之家守閣  
之奴行十小復前進至內閣有一童女七顏容端正  
肉色豐悅甚復可愛王語樹提伽卿家女婦  
以不答言臣不敢欺王是臣之家守閣之婢  
小復前進至樹提伽堂前白銀為壁水精為  
地王見謂呼水流疑不得前樹提伽即導王  
前以人將王企金牀踞玉机樹提伽婦一百  
二十重金銀幃帳裏出為王設拜眼中淚出

王語樹提伽卿婦為我設并有何不掩眼中  
淚出答言臣不敢欺王聞王煙氣以是之故  
眼中淚出王言庶民然脂諸侯然蠟天子然  
漆亦無煙氣何得淚出樹提伽言臣不敢欺  
王臣家有一明月寘珠掛著殿堂無晝無夜  
不須火光王是煙中之王是故聞氣耳樹提  
伽堂前有一十二重高樓將王上視東望西  
視南望北瞻黯黯惱惱已經一月大臣白王  
國計事大事須還歸料理人民王謂須臾小  
復可忍樹提伽復將王後園之中看流泉浴  
池各皆可美甚復可愛黯黯惱惱已經一月  
大臣白王國計事大事須還歸料理人民王

謂呼須臾小復可忍樹提伽七寶布施綾羅  
繒練二十萬衆人馬車乘一時還國王即大  
會群臣共生參論羅列卜問怪其所以樹提  
伽是我之民婦女宅舍遇甚於我我欲代之  
可取以不諸臣皆言宜可取之王將領四十  
萬衆推鐘鳴鼓圍樹提伽合行十數百餘重樹提  
伽門中一力士手捉金杵一擬四十萬衆人  
馬俱倒手脚繚戾腰髓嬰婆狀似醉容頭脚  
跋跌不復得起樹提伽乘雲之車在虛空中  
來問諸人來時何意卧地不起大王遣來欲  
伐長者門中有一力士手捉金杵一擬令四  
十萬衆人馬俱倒繚戾腰髓嬰婆狀似醉容

頭脚踏蹶不復得起。樹提伽問諸人欲得起  
不。諸人皆言欲得起。樹提伽舉一神杖令四  
十萬衆人馬俱起。還國王即遣使喚樹提伽  
我共同居而載往詣佛所。問言世尊樹提伽  
是我之臣前身有何功德。女婦宅舍過甚於  
我。佛言樹提伽五百商主將諸賣人賣持重  
寶經過險路于時深山之中見一病道人給  
其庵屋厚敷牀褥給其水漿鷄鎊米糧給其  
燈燭于時乞願願得天堂之供。今得果報于  
時布施者是誰。樹提伽是也。病道人者我身  
是也。五百賣主人皆得阿羅漢道也。佛說經  
竟王及諸臣發阿耨多羅三藐三菩提心禮

佛即退

佛說樹提伽經



佛說法常住經

出安祐二錄開元錄云今附西晉錄

聞如是一時佛遊舍衛國祇樹給孤獨之園

行十

九

佛告諸比丘法者常存有佛無佛法住如故

如來至真出現世間因為宜解分別深義數

演至慧志在小乘為說四諦苦習盡道生苦

老苦病苦死苦求不得苦舉要言之有陰身

苦設無有身當有何患是曰苦諦目貪於色

耳鼻身口意亦復如是由此因緣成其六衰

從來劫數甚大久矣既諦見斯已知為惡習  
悉無益身因守身行護其心口十惡以拔十  
二因緣根本則滅除三毒空無相願由成羅  
漢緣十二因知其牽連斷其根源輒成緣覺  
解身本空奉六度無極四等四恩道品之法  
三十有七空無相願無此三事不為取證六  
通善權常濟危厄等心一切無所適莫故曰  
菩薩速不退轉當成無上正真之道為最正  
覺度脫十方故號為佛道法常存行者與合  
無彼無此猶如衆流未到海時各有本名以  
合于海無有異号道德若茲去來今佛合一  
法身行與道合因為衆生分別演說陰衰諸

入十二牽連皆為病疾諸度無極四等四息  
為大法藥療衆生病淨如虛空明踰日光德  
超須弥神聖巍巍莫能譏謗衆罪消滅無復  
諸苦更以大慈悲度脫十方佛說是時諸比  
丘衆漏盡意解無數菩薩尋時速得無所從  
生法忍佛說如是諸比丘及諸菩薩諸天龍  
神阿須倫聞經歡喜皆前為佛作禮而去

佛說法常住經



佛說長壽王經

開元錄云安祐二錄並失譯  
師今附西晉第二出

聞如是一時佛在舍衛國祇樹給孤獨園

是時佛告諸比丘昔者有罽薩為大國王名  
曰長壽王有太子名曰長生王以正法治國  
無刀杖之惱不加吏民風雨時節五穀豐饒  
有隣國王治行暴虐不修正法國民貧困謂  
傍臣曰我聞長壽王國去是不遠熾饒富樂  
而無兵革之備我欲今往攻奪其國為可得  
不傍臣對曰大善遂興兵而來到長壽王國  
界界上吏民走行白王彼貪王興兵而來欲  
攻明王之國惟願預備長壽王即召群臣而  
告之曰彼所以來者但貪我國人民倉穀珍  
寶耳若與其戰必傷害吾民夫諦國殺民吾  
不為也群臣曰臣等皆曉習戰法必能勝彼

不使明王之丘為彼所侵也王曰若我勝彼  
即有死傷彼兵我民俱惜壽命愛我害彼賢  
者不為也群臣不聽留王於宮乃自相與於  
外發兵出往界上逆而拒之王告太子長生  
曰彼貪我國故來攻我今群臣以我故欲逆  
拒之夫兩敵相向必有缺傷今欲與汝俱委  
國亡去太子曰諾即父子共踰城而出十一幽隱  
山間

於是貧王遂入其國募求長壽王金千斤錢  
千萬誰能得者

長壽王後日出於道邊樹下坐有遠方婆羅  
門來亦息於樹下問長壽王曰卿何處人何

緣在此王曰我此國中。人偶來到此。戲耳。長壽玉問婆羅門曰。賢者從何所來。將欲所至。婆羅門曰。我遠方貧鄙之道士也。遙聞此國長壽王好喜布施賑拯貧窮。吾故遠來欲從乞包用自生活。不知王意於今云何。卿是國中。人聽聞其意於今。如故肯布施不。王默然自念。子用我快故。從遠來值我失國。到無所得。而當空去。甚可哀念。於是王乃涕泣而謂婆羅門曰。我即是長壽王也。有他國王前來攻我。我委國亡來。隱藏此間。今賢者故來相歸。值我困乏。無以相副。將柰之何。兩人相向。哽噎啼泣。王曰。我聞新王募我甚重。卿可

取我頭往可得重償婆羅門言我遙聞大王  
周救一切故來乞匄庶得幾微以養餘命值  
王失國自我薄福今教斫頭不敢承命王曰  
卿故遠來欲有所得值我困窮無以相副且  
人生世皆當趣死以身相懸何為辭讓之也  
今若不取後有來者我猶與之不如早取婆  
羅門曰我不忍殺大王大王若有弘慈之意  
必欲殞命以相惠施者但當散手相隨去耳  
王即隨去到城門前而令縛之以白貧王王  
即酬婆羅門金錢之賞遣令還去  
貧王於是乃使人於四街道頭燒殺長壽王  
王故群臣白貧王曰此臣等故君今就終歿

之罪願得為設微具以遣送之貧王聽之群  
臣具饌哽噎臨之人民觀者皆言王枉死郭  
邑草野莫不呼天

太子長生時出道邊聽聞人語知父為貧王  
所得乃祥擔樵薪出於市賣之間鬧人中當  
前立觀見父當死心中悲疾

父見長生恐其瞋恚為父報怨父乃仰天歎  
息曰夫為人子欲為至孝使汝父樂死而不  
懷恨慎無為汝父報怨則汝父樂死而不憂  
也若違父言而行殺他人者即今汝父死有  
餘恨長生不忍視其父死因還入山長壽王  
遂就燒死之誅

長生久後思念我父仁義深篤至死不轉而  
此貪王無狀不別善惡枉殺我父雖我父有  
慈惻淳仁之心死而不恚然我不能忍也我  
不出殺此貪王者我終不苟生於世矣遂出  
傭賃

國中大臣徇園於市賃人得長生使種菜種

菜甚好行十後日大臣案行園田見菜十三甚好呼問

園監監對曰前賃得一人使為之故好如是

大臣因呼長生問之卿頗能作飲食不曰能

作便使作飲食飲食甚耳美因以請王往臨

飲食飲食甚美王因問誰作此食者大臣對

曰前賃得一人能作此食王遂呼錄將歸官

中使作飲食

後日王問長生汝寧便習兵法不對曰實便習之因取置邊而告之曰我有怨家是長壽王子恒恐行來卒與相逢今相恃怙知幸相助備之長生對曰唯然當為大王展力効命後日問長生汝寧好射獵不對曰臣少小好獵王便勅外嚴駕因與長生共行遊獵適入山林便見走獸王與長生馳而逐之轉入深山或失道經迷惑三日不得出路遂至飢困王下馬解劍以授長生日我甚疲極汝坐我欲枕汝膝卧長生言諾王便得卧長生自念我前後以來求索方便今日已得我所願便



拔劍欲殺貧王念我父臨死之時囑我慇懃  
柰何快我愚意而違慈父之教非孝子也即  
內劍而止王便驚寤告曰我夢見長壽王子  
欲來殺我我大驚怖何以如此長生曰此山  
中有強鬼神見大王在此故來恐怖大王耳  
臣自侍衛王但安卧無所畏懼也王即還卧  
行十長生復拔劍欲殺之重憶父言復止王復驚  
寤告長生言我復夢見長壽王子故欲來殺  
我我大畏之何以爾也長生日是山神所為  
耳王無所畏懼也王復還卧長生復拔劍欲  
殺之思惟父言復止遂棄劍於地無復殺王  
之意王復驚寤告長生日復夢見長壽王子

自言原意不復殺我

於是長生日我即是長壽王太子長生也我  
故實來出欲殺大王以報父讎耳念我父臨  
死之時慙懃囑我不欲使我報怨而我愚癡  
故違父之言詳思父教懇惻慙懃不敢違之  
是故今投劍於地以順父言雖爾猶恐後日  
迷惑失計而違亡父之教今故自告願大王  
便誅伐我身早滅其惡意可使終始絕斷  
王乃自悔曰我為克逆不別善惡賢者父子  
行仁淳固至死不轉而我貪酷初不覺知今  
日如是命屬子手子故懷仁惟憶父言而不  
相害誠感淳潤今欲還國當從何道長生言

我知道理徑前故來者迷惑大王欲報父讎耳  
長生遂與王俱出林外便見群臣散滿林際  
王便止坐施設飲食王問群臣卿等寧識長  
壽王子長生不中有不識者對曰不識中有  
識者昔受長生恩恐王殺之亦言不識王便  
指示言是即長生也王曰從今<sub>十五</sub>始我自還  
故國願<sub>行十</sub>以此國還付太子自今以後<sub>十五</sub>卿為我  
弟若有他國來相侵奪當相救助王遂引率  
臣兵歸其本國國有奇珍更相貢獻

佛告諸比丘時長壽王者我身是也太子長  
生者何難是貧王者調達是調達與我世世  
有怨我雖有善意向之故欲害我阿難與之

本無惡意故至相見即有和解之心菩薩求  
道勤苦如是至見賊害無怨恚之意自致得  
佛為三界尊諸比丘歡喜為佛作禮

佛說長壽王經

行十

山城國綴喜郡新村  
靈瑞山嗣恩菴沙門宗桂書寫之

